

Na osnovu člana 5. Zakona o plaćama i naknadama u organima vlasti Kantona Sarajevo ("Službene novine Kantona Sarajevo", br. 33/11, 5/13 i 9/15 i 9/15), člana 4. Zakona o plaćama i naknadama u javnim ustanovama iz oblasti socijalne zaštite u Kantonu Sarajevo ("Službene novine Kantona Sarajevo", broj: 17/15) i člana 23. Kolektivnog ugovora za službenike organa uprave i sudske vlasti u Federaciji Bosne i Hercegovine („Službene novine Kantona Sarajevo“, broj: 13/18), Vlada Kantona Sarajevo i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji BiH, kao reprezentativni sindikat za djelatnost javne uprave, te ekonomske i socijalne politike na području Kantona Sarajevo (u daljem tekstu: sporazumne strane), dana 28. septembra 2018. godine, postigli su sljedeći

**SPORAZUM  
O OSNOVICI ZA OBRAČUN PLAĆA ZA PERIOD SEPTEMBAR-  
DECEMBAR 2018. GODINE ZA DRŽAVNE SLUŽBENIKE I  
NAMJEŠTENIKE U ORGANIMA DRŽAVNE SLUŽBE I  
ZAPOSLENIKE U JAVNIM USTANOVAMA SOCIJALNE ZAŠTITE U  
KANTONU SARAJEVO**

**Član 1.**

Ovim Sporazumom utvrđuje se visina osnovice za obračun plaća za državne službenike i namještenike u organima državne službe i zaposlenike u javnim ustanovama socijalne zaštite u Kantonu Sarajevo za mjesec: septembar, oktobar, novembar i decembar 2018.godine u iznosu od 310,00 KM (tristotinedesetkm).

**Član 2.**

Vlada Kantona Sarajevo se obavezuje da na svojoj prvoj sjednici utvrdi Prijedlog Zakona o izmjenama Zakona o izvršavanju Budžeta Kantona Sarajevo za 2018. godinu, u dijelu koji se odnosi na visinu osnovice za obračun plaća, te isti da uputi u hitnu Skupštinsku proceduru.

**Član 3.**

Razlika plaće po osnovici iz člana 1. ovog Sporazuma za mjesec septembar 2018. godine u odnosu na do sada važeću osnovicu od 290,00 KM, zbog tehničkih nemogućnosti i nepostojanja propisa iz člana 2. ovog Sporazuma, će se obračunavati i isplatiti uz plaću za mjesec oktobar 2018. godine.

**Član 4.**

Ako iz određenih razloga ne bude usvojen zakon iz člana 2. ovog Sporazuma do momenta utvrđivanja prijedloga Budžeta za 2019. godinu, razlika finansijskih sredstava za isplatu plaća po osnovici iz člana 1. ovog Sporazuma za mjesec: septembar, oktobar, novembar i decembar 2018. godine planirat će se u Budžetu Kantona Sarajevo za 2019. godinu i ista će se isplatiti najkasnije do 30.04.2019. godine.

### Član 5.

Ovaj Sporazum je potpisan u šest istovjetnih primjeraka od kojih svaka ugovorna strana zadržava po dva, a po jedan primjerak dostavlja se Ministarstvu finansija Kantona Sarajevo i Službenim novinama Kantona Sarajevo na objavu.

### Član 6.

Ovaj Sporazum će se objaviti u "Službenim novinama Kantona Sarajevo".

Broj: 02-14-33094/18  
Sarajevo, 28. septembar 2018. godine

Broj: 01-IV-618/18  
Sarajevo, 28. septembar 2018. godine

Za Vladu Kantona Sarajevo

Za Samostalni sindikat državnih službenika  
i namještenika u organima državne službe,  
sudskoj vlasti i javnim ustanovama u  
Federaciji BiH



Premijer

**Adem Zolić**



Predsjednik

**Samir Kurtović**